

AKHBAR : BERITA HARIAN**MUKA SURAT : 3****RUANGAN : ISU**

986 doktor pakar hospital kerajaan sertai swasta

Putrajaya: Kementerian Kesihatan kehilangan khidmat 986 doktor pakar dalam pelbagai bidang sejak tujuh tahun lalu kerana meletak jawatan dan berhijrah ke pusat perubatan swasta.

Menteri Kesihatan, Datuk Seri Dr S Subramaniam, berkata pihaknya kehilangan kira-kira tiga peratus doktor pakar dianggarkan purata sekitar 106 hingga 170 orang antara 2011 hingga 2017.

Beliau berkata, jumlah itu dilihat meningkat setiap tahun dengan majoriti meletakkan jawatan berada pada gred UD53 dan ke atas.

"Tahun lalu, 170 doktor pakar di hospital kerajaan meletakkan jawatan dan masing-masing berhijrah ke pusat perubatan swasta.

Usaha kurangkan jurang pendapatan
"Sukar untuk kita mengimbangkan pendapatan doktor yang berkhidmat di swasta dengan sektor awam, namun kita sedang cuba mengecilkan jurang berkenaan," katanya pada sidang media di sini, semalam.

Dr Subramaniam berkata, kehilangan doktor pakar memberi kesan besar kepada kementerian kerana hampir semua mereka sudah lama berkhidmat selain berpengalaman luas dalam bidang masing-masing.

"Jadi, menerusi Bajet 2018, setiap pakar perubatan gred UD54 dan ke atas diberi kelonggaran satu hari dalam seminggu ketika waktu bekerja untuk menambah pendapatan masing-masing.

"Mereka juga boleh menjalankan penyelidikan perubatan ditaja industri melalui Clinical Research Malaysia (CRM) atau menjadi tenaga pengajar untuk latihan pelajar universiti awam (UA) dan institusi pengajian tinggi swasta (PTS).

"Selain itu, mereka juga boleh menjalankan pekerjaan luar di sektor swasta dengan mengambil kira syarat tertentu," katanya.

Waktu kerja fleksibel

Beliau berkata, pelaksanaan waktu kerja fleksibel itu antara usaha menggalakkan lebih ramai pakar perubatan terus berkhidmat dengan kementerian.

"Inisiatif ini juga dapat merapatkan jurang pendapatan doktor pakar di sektor awam dan swasta, selain meningkatkan bilangan penyelidik dalam bidang perubatan serta kesihatan.

"Malah, ia juga dapat merangsang pemindahan pengetahuan kepada pelatih perubatan dan kesihatan dalam pelbagai bidang pengajaran," katanya.

Sementara itu, Dr Subramaniam berkata, pihaknya juga berusaha meningkatkan bilangan pengeluaran pakar perubatan melalui laluau selari (parallel) dengan program sarjana perubatan di UA.

"Tahun lalu, 30 peratus bilangan pakar dikeluarkan adalah dari laluau selari berbanding hanya 13 peratus pada 2009.

"Sehingga 31 Disember lalu, 950 pegawai perubatan menyertai program kepakaran melalui laluau kepakaran selari berdaftar dengan Bahagian Perkembangan Perubatan mengikut bidang kepakaran," katanya.

AKHBAR : HARIAN METRO

MUKA SURAT : 22

RUANGAN : SETEMPAT

986 doktor pakar awam hijrah ke swasta

Putrajaya: Sejak tujuh tahun lalu, Kementerian Kesihatan kehilangan 986 doktor pakar pelbagai bidang kerana meletakkan jawatan dan berhijrah



ke pusat perubatan swasta. Menteri Kesihatan Datuk Seri Dr S Subramaniam berkata, setiap tahun, pihaknya kehilangan kira-kira tiga peratus doktor pakar dianggarkan purata sekitar 106 hingga 170 orang setiap tahun anta-

ra 2011 hingga 2017. Beliau berkata, jumlah itu dilihat meningkat dari tahun ke tahun dengan majoriti yang meletakkan jawatan berada pada gred UD53 dan ke atas.

"Tahun lalu, 170 doktor pakar yang bekerja di hospital kerajaan meletakkan jawatan dan masing-masing berhijrah ke pusat perubatan swasta.

"Sukar untuk kita mengimbangkan pendapatan doktor yang berkhidmat di swasta dengan sektor awam, namun kita cuba untuk mengecilkan jurang berkenaan," katanya pada sidang media di sini, semalam.

Hadir sama, Timbalan

Sukar untuk kita mengimbangkan pendapatan doktor yang berkhidmat di swasta dengan sektor awam

S Subramaniam

Menteri Kesihatan Datuk Seri Dr Hilmi Yahaya, Ketua Setiausaha Kementerian Datuk Seri Dr Chen Chaw Min dan Ketua Pengarah Kesihatan Datuk Dr Noor Hisham Abdullah.

Dr Subramaniam berkata, kehilangan doktor pakar memberi kesan besar kepada kementerian kerana hampir semua mereka sudah lama berkhidmat, selain mempunyai pengalaman luas dalam bidang masing-masing.

"Oleh itu, menerusi bajet 2018, setiap pakar perubatan gred UD54 dan ke atas diberi kelonggaran satu hari dalam seminggu ketika tempoh wakti bekerja untuk menambah pendapatan masing-masing," katanya.

AKHBAR : SINAR HARIAN**MUKA SURAT : 12****RUANGAN : NASIONAL**

Doktor pakar kerajaan letak jawatan meningkat

PUTRAJAYA - Jumlah pakar perubatan Kementerian Kesihatan meletak jawatan meningkat setiap tahun berikutan jurang pendapatan jauh berbeza berbanding sektor swasta.

Menteri Kesihatan, Datuk Seri Dr S Subramaniam berkata, tahun lalu seramai 170 pakar perubatan kementerian meletak jawatan, meningkat berbanding 158 orang pada tahun sebelumnya.

"Kebanyakan mereka yang meletak jawatan adalah di gred atasan iaitu UD54 ke atas, mempunyai banyak pengalaman dan berkemahiran tinggi.

"Ia satu kerugian besar buat kita," katanya pada sidang media di sini, semalam.

Menurutnya, walaupun agak sukar bagi kementerian menyamai kadar pendapatan pakar perubatan di sektor swasta, jurang itu cuba dirapatkan dengan waktu kerja fleksi seperti diumumkan Bajet 2018.

Katanya, bermula 1 Januari lalu, pakar perubatan kerajaan diberi kelonggaran satu hari dalam seminggu dari tempoh waktu bekerja rasmi untuk menambah pendapatan melalui tiga pilihan disenarai kementerian.

"Pakar perubatan kementerian diberi pilihan untuk menjalankan penyelidikan perubatan yang ditaja industri melalui Clinical Research Malaysia (CRM) atau menjadi tenaga pengajar untuk latihan sangkutan pelajar di universiti awam atau swasta," katanya.

Selain itu katanya, pakar perubatan kerajaan juga dibenarkan bekerja di sektor swasta dalam tempoh sehari tersebut, dengan mengambil kira syarat-syarat tertentu termasuk kos insurans.

"Selain menambah pendapatan pakar perubatan kerajaan, pelaksanaan waktu kerja fleksi diharapkan meningkatkan bilangan penyelidik dalam bidang perubatan, galak pemindahan pengetahuan kepada pelatih perubatan dan meningkatkan motivasi mereka," katanya.

Tambahnya, ketika ini seramai 4,460 pakar perubatan berkhidmat dengan kementerian, beberapa sub kepakaran seperti kardiologi, pakar bedah saraf dan ahli nefrologi kekurangan pakar," katanya. - Bernama